

ხელშეკრულება N74
სახელმწიფო შესყიდვის შესახებ
(გამარტივებული შესყიდვა)

ქ. ბაღდათი

4 აპრილი 2019 წ.

ერთი მხრივ, სსიპ თვითმმართველი ერთეული ბაღდათის მუნიციპალიტეტის მერის არჩილ გოგსაძის სახით (შემდგომში "შემსყიდველი") (ს/კ 225064471) და მეორე მხრივ, სსიპ საქართველოს ეროვნული მუზეუმი (შემდგომში - მიმწოდებელი) წარმოდგენილი გენერალური დირექტორის მოადგილის, აღმასრულებელი დირექტორის ირაკლი ღვალაძის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს¹“ ქვეპუნქტის შესაბამისად, დებენ წინამდებარე ხელშეკრულებას შემდეგზე:

1. ხელშეკრულების საგანი

1.1. საქართველოს ეროვნული მუზეუმის გამოფენის მოწყობა (CPV 92521100).

2. ხელშეკრულების ობიექტი და ღირებულება

- 2.1. ხელშეკრულების ობიექტს წარმოადგენს ფოტოგამოფენა „საგანძური“ უზრუნველყოფა.
- 2.2. ხელშეკრულებით გათვალისწინებული მომსახურების ღირებულება შეადგენს 4998 (ოთხი ათას ცხრაას ოთხმოცდათვრამეტი) ლარს, დღგ-ს ჩათვლით.

3. მომსახურების შესყიდვის ვადა და ადგილი

- 3.1. მომსახურება უნდა იქნეს შესყიდული: 2019 წლის 16 აპრილიდან 25 აპრილამდე.
- 3.2. შესყიდვის ობიექტის მიწოდების ადგილი: ქ. ბაღდათი, წერეთლის ქ. N9.

4. მომსახურების ხარისხი და გარანტია

4.1. მიმწოდებელი იძლევა გარანტიას, რომ გაწეული მომსახურება შესაბამისობაში იქნება საქართველოში მოქმედ სტანდარტებთან და სრულად დააკმაყოფილებს შემსყიდველის მოთხოვნებს.

5. შესყიდვის ობიექტის მიღება-ჩაბარების წესი

- 5.1. შემოწმებით თუ გაწეული მომსახურება აკმაყოფილებს შემსყიდველის მოთხოვნას, მხარეთა შორის ფორმდება მიღება-ჩაბარების აქტი, რომელიც ხელმოწერითა და ბეჭდით უნდა დაამოწმონ შემსყიდველისა და მიმწოდებლის უფლებამოსილმა პირებმა.
- 5.2. მომსახურება ჩაითვლება სრულად შესყიდულად მიღება-ჩაბარების აქტის გაფორმების შემდეგ.

6. ანგარიშსწორების პირობები

6.1. მომსახურების შესყიდვის ღირებულების ანაზღაურება განხორციელდება გაწეული მომსახურების შესაბამისად წარმოდგენილი მხარეთა შორის გაფორმებული მიღება-ჩაბარების აქტის საფუძველზე.

6.2. ანგარიშსწორება იწარმოებს უნაღდო ანგარიშსწორებით, ლარებში, მიმწოდებლის რეკვიზიტებში მითითებულ საბანკო ანგარიშზე 10 (ათი) სამუშაო დღის განმავლობაში.

6.3. დაფინანსების წყარო: საკუთარი შემოსავლები.

7. მხარეთა ძირითადი უფლება-მოვალეობანი

7.1. შემსყიდველს უფლება აქვს:

7.1.1. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება;

7.1.2. განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;

7.1.3. მოსთხოვოს მიმწოდებელს დეტალური ინფორმაცია გასაწევი მომსახურების შესახებ.

7.2. შემსყიდველი ვალდებულია:

7.2.1. გადაიხადოს მომსახურების ღირებულება ამ ხელშეკრულებით გათვალისწინებული წესითა და ოდენობით;

7.2.2. გაწეული მომსახურების ნაკლის აღმოჩენის შემთხვევაში, დაუყოვნებლივ წერილობით აცნობოს მიმწოდებელს და მოითხოვოს ნაკლის აღმოფხვრა;

7.2.3. დაიცვას ხელშეკრულებით განსაზღვრული სხვა პირობები.

7.3. მიმწოდებელს უფლება აქვს:

7.3.1. მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში;

7.3.2. მოითხოვოს შემსყიდველისაგან ხელშეკრულების სხვა პირობების დაცვა.

7.4. მიმწოდებელი ვალდებულია:

7.4.1. შეასრულოს ხელშეკრულებით გათვალისწინებული მომსახურება; - შემსყიდველის მიერ დათმობილ ფართში საქართველოს ეროვნული მუზეუმის შ. ამირანაშვილის სახელობის მუზეუმში დაცული ოქროს ფონდის ექსპონატების ფოტოგვერსიებით მოაწყოს ფოტოგამოფენა „საგანძური“ ამა წლის 21 სექტემბრიდან ორი კვირის ვადით;

7.4.2. გაწეული მომსახურების ნაკლოვანების შემთხვევაში თავისი ხარჯით უზრუნველყოს აღნიშნული ნაკლის გამოსწორება;

7.4.3. გასწიოს მომსახურება საკუთარი ძალებითა და ტექნიკური საშუალებებით;

7.4.4. წინასწარ აცნობოს შემსყიდველს მოსალოდნელი შეფერხების შესახებ;

7.4.5. ჯეროვნად შეასრულოს ხელშეკრულებით გათვალისწინებული ყველა სხვა პირობა.

8. მხარეთა პასუხისმგებლობა ხელშეკრულების პირობების დარღვევისას

- 8.1. მიმწოდებელი პასუხისმგებელია გაწეული მომსახურების ხარისხზე და ვალდებულია სრულად აუნაზღაუროს შემსყიდველს ნებისმიერი ზიანი, რომელიც მას შეიძლება მიადგეს მომსახურების უხარისხოდ ან არაჯეროვნად გაწევის გამო.
- 8.2. ხელშეკრულებით ნაკისრი ვალდებულებების არაჯეროვნად შესრულების, ან შეუსრულებლობის შემთხვევაში ყოველი დაგვიანებული დღისათვის მხარეებს ეკისრება პირგასამტეხლო ხელშეკრულების საერთო ღირებულების 0.02% ყოველ გადაცილებულ დღეზე.
- 8.3. პირგასამტეხლოს გადახდა ხორციელდება მიმწოდებლისათვის ასანაზღაურებელი მომსახურების ღირებულებიდან შესაბამისი თანხის გამოქვითვის საშუალებით.
- 8.4. პირგასამტეხლოს გადახდა არ ათავისუფლებს მიმწოდებელს მომსახურების გაწევის ვალდებულებისაგან.
- 8.5. თუ დაკისრებული პირგასამტეხლოს ჯამური თანხა გადააჭარბებს საანგარიშსწორებო პერიოდისათვის გასაწევი მომსახურების ღირებულების 10%-ს, შემსყიდველს უფლება აქვს მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ.

9. ხელშეკრულების ინსპექტირების პირობები

- 9.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 9.2. თუ შესყიდვის ობიექტი არ შეესაბამება ხელშეკრულების პირობებს და არსებული სტანდარტების მოთხოვნებს, შემსყიდველი მიმწოდებელთან ერთად, ან მის გარეშე ადგენს აქტს დადგენილი წესის შესაბამისად.
- 9.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.
- 9.4. მიმწოდებლის მიერ ნაკისრი ვალდებულებების შესრულების კონტროლს შემსყიდველის მხრიდან განახორციელებს ააიპ "ბოლნისის მუნიციპალიტეტის კულტურის საკლებო, საბიბლიოთეკო და სამუზეუმო გაერთიანების" სამუზეუმო სფეროს კურატორი ლიანა ბუბუტიშვილი.

10. ფორს-მაჟორი

- 10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც

ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

- 10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინის დაწესებით და სხვა.
- 10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. ხელშეკრულების პირობების გადასინჯვის შესაძლებლობა

- 11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 11.4. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12. ხელშეკრულების მოქმედების ვადა

- 12.1. ხელშეკრულება ძალაშია ხელმოწერის დღიდან და მოქმედებს 2019 წლის 30 მაისამდე.
- 12.2. ხელშეკრულებით ცალკეული პირობების მოქმედების შეწყვეტა მხარეებს არ ათავისუფლებს ნაკისრი ვალდებულებების შესრულებისა და გაწეული მომსახურების ანაზღაურების ვალდებულებისაგან.

13. დავების გადაწყვეტის წესი

- 13.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით

შეთანხმებით მოაგვარონ ხელშეკრულების ირგვლივ წარმოქმნილი ნებისმიერი უთანხმოება და დავა.

13.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხების შეთანხმებას, ნებისმიერ მხარეს შეუძლია მიმართოს დავის გადაწყვეტის დადგენილ წესს.

14. დასკვნითი დებულებანი

14.1. წინამდებარე ხელშეკრულებით გათვალისწინებული პირობები რეგულირდება საქართველოს კანონდებლობით.

14.2. მიმწოდებელს არ აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.

14.3. მესამე პირთან ურთიერთობაზე მხარეები მოქმედებენ თავიანთი სახელით, ხარჯითა და რისკით.

14.4. ხელშეკრულება შედგენილია ელექტრონულად.

15. მხარეთა რეკვიზიტები

„მიმწოდებელი“

„შემსყიდველი“

სსიპ „საქართველოს ეროვნული მუზეუმი“

მის: ქ. თბილისი, რუსთაველის გამზ. №3

ტელ: 298 21 35

საიდენტ. კოდი: 204468664

მიმღები ბანკი: სახ. ხაზინა

მიმღების დასახელება: ხაზინის ერთიანი ანგარიში

კოდი: TRESGE22

ბარათის მუნიციპალიტეტის მერია

ქ. ბაღდათი, წერეთლის ქ. №9

ს/კოდი 225064471

კოდი TTREEGE22

ერთიანი სახაზინო ანგარიში

ანგ.200122900

მიმღების ანგარიში/ სახაზინო კოდი: 7 0846 7499

ხელმომწერი პირი:

ხელმომწერი პირი:

საქართველოს ეროვნული მუზეუმის
გენერალური დირექტორის მოადგილე

სსიპ „თვითმმართველი ერთეული ბაღდათის
მუნიციპალიტეტის მერი“

ირაკლი ღვალაძე

არჩილ გოგსაძე

.....
